



Broj/Број: 01/5-50-1.12.-31/05
Sarajevo/Сарајево: 4.10.2005. godine.

Z A P I S N I K

31. sjednice Komisije za ljudska prava, imigraciju, izbjeglice i azil, održane 15.9.2005. godine, s početkom u 15,00 sati.

Sjednici Komisije prisustvovali su:

- Elmir Jahić, predsjedavajući Komisije,
- Martin Raguž, prvi zamjenik predsjedavajućeg Komisije,
- Senija Kapetanović, član Komisije,
- Marija Perkanović, član Komisije,
- Vlatka Komšić, član Komisije,
- Selim Bešlić, član Komisije.

Odsustvovali su: dr. Tihomir Gligorić, drugi zamjenik predsjedavajućeg Komisije; Nadžida Mlaćo i Muhamed Altić, članovi Komisije.

Od gostiju, sjednici su prisustvovali: Slobodan Nagradić, pomoćnik ministra za ljudska prava i izbjeglice BiH i Semenik Davorin, savjetnik.

Za sjednicu je usvojen slijedeći:

Dnevni red:

- 1. Usvajanje zapisnika 30. sjednice Komisije,**
- 2. Rasprava o Prijedlogu zakona o izmjenama i dopunama Zakona o ombudsmenu za ljudska prava BiH**
- 3. Razmatranje predstavki građana, upućenih Komisiji**
- 4. Tekuća pitanja**

Ad. – 1. Usvajanje zapisnika 30. sjednice Komisije

Otvarajući prvu tačku dnevnog reda, **Elmir Jahić, predsjedavajući Komisije** otvorio je raspravu o zapisniku 30. sjednice Komisije. Nijedan od prisutnih članova nije uzeo riječ o ovoj tački dnevnog reda.

Kako nije bilo diskusije o ovoj tački dnevnog reda, predsjedavajući Komisije je predložio glasanje, a nakon glasanja konstatirao da je zapisnik 30. sjednice Komisije jednoglasno usvojen.

Ad. - 2. Rasprava o Prijedlogu zakona o izmjenama i dopunama Zakona o ombudsmenu za ljudska prava BiH

U uvodu za ovu tačku dnevnog reda **predsjedavajući Komisije** je istakao važnost donošenja ovog zakona. On je napomenuo da se Prijedlog zakona dugo nalazi u parlamentarnoj proceduri, na na Prijedlog zakona uloženi su amandmani Martina Raguža i Momčila Novakovića. On je dodao da postoji izjašnjavanje Vijeća ministara Bosne i Hercegovine ovim amandmanima, te podsjetio na zaključke koji su usvojeni na prethodnoj sjednici Komisije. Jedan od zaključaka je bio da ukoliko ne dođe saopćenje Narodne skupštine Republike Srpske o prenosu nadležnosti po pitanju ombudsmena članovi Komisije će se izjasniti o pomenutim amandmanima i na taj način će se okončati komisijska procedura ovog prijedloga zakona.

Martin Raguž, konstatirao je da na ovoj sjednici Komisije on ulaže svoje amandmane usklađene s mišljenjem Vijeća ministara.

Senija Kapetanović, pita se da li su to sad neki novi amandmani Martina Raguža. On je odgovorio da su to stari amandmani, samo sada usklađeni sa mišljenjem Vijeća ministara.

Marija Perkanović, iznijela je svoj stav da, s obzirom da ovaj problem nije razmatran na Narodnoj Skupštini Republike Srpske, ona nema kompetencija da glasa za ovaj zakon.

Elmir Jahić, ponovo je napomenuo da je ovo jedan od važnih zakona i da se o ovome treba odlučiti konačno, jer su probijeni svi rokovi za njegovo donošenje, a to je neodgovorno prema javnosti i medijima.

Marija Perkanović, istakla je da je i popis stanovništva jedan od uslova za evropske transformacije. Ona smatra da se ovim zakonom izuzimaju nadležnosti entiteta i da upravo zbog toga mora postojati dogovor s entitetima.

Nakon kraće rasprave, predsjedavajući Komisije je pristupio proceduri izjašnjavanja o ulozenim amandmanima.

Članovi Komisije su se prvo izjašnjavali o amandmanima **Martina Raguža**, za koje je Slobodan Nagradić, pomoćnik ministra Ministarstva za ljudska prava i izbjeglice BiH konstatovao da postoji mišljenje Vijeća ministara o njima.

Rezultati izjašnjavanja su sljedeći:

Amandman I jednoglasno usvojen (ZA - 6 članova).

Amandman II jednoglasno usvojen (ZA – 6 članova).

Amandman III je usvojen (ZA – 5 članova, PROTIV – 0 članova, SUZDRŽAN – 1 član).

Amandman IV jednoglasno usvojen (ZA – 6 članova).

Amandman V jednoglasno usvojen (ZA – 6 članova).

Amandman VI jednoglasno usvojen (ZA – 6 članova).

Amandman VII jednoglasno usvojen (ZA – 6 članova).

Amandman VIII jednoglasno usvojen (ZA – 6 članova).

Amandman IX jednoglasno usvojen (ZA – 6 članova).

Amandman X jednoglasno usvojen (ZA – 6 članova).

Amandman XI je usvojen (ZA – 5 članova, Marija Perkanović nije glasala).

Amandman XII je usvojen (ZA – 5 članova, Marija Perkanović nije glasala).

Amandman XIII je usvojen (ZA – 5 članova, Marija Perkanović nije glasala).

Zatim je uslijedilo izjašnjavanje o amandmanima **Momčila Novakovića**, o kojima također, postoji mišljenje Vijeća ministara BiH, izdato u julu 2005. godine.

Rezultati izjašnjavanja su sljedeći:

Amandman I nije usvojen (ZA – 1 član, PROTIV – 5 članova).

Amandman II nije usvojen (ZA – 1 član, PROTIV – 5 članova).

Amandman III nije usvojen (ZA – 1 član, PROTIV – 5 članova).

Amandman IV nije usvojen (ZA – 1 član, PROTIV – 5 članova).

Amandman V – zbog identičnosti s amandmanom Martina Raguža, nije bilo izjašnjavanja o amandmanu jer je amandman ranije usvojen.

Amandman VI nije usvojen (ZA – 1 član, PROTIV – 5 članova).

Amandman VII – zbog identičnosti s amandmanom Martina Raguža, nije bilo izjašnjavanja o amandmanu jer je amandman ranije usvojen.

Amandman VIII nije usvojen (ZA - 1 član, PROTIV – 5 članova).

Amandman IX nije usvojen (ZA – 1 član, PROTIV – 5 članova).

Amandman X nije usvojen (ZA – 1 član, PROTIV – 5 članova).

Amandman XI nije usvojen (ZA – 1 član, PROTIV – 5 članova).

Amandman XII nije usvojen (ZA – 1 član, PROTIV – 5 članova).

Amandman XIII nije usvojen (ZA – 1 član, PROTIV – 4 članova, SUZDRŽAN – 1 član).

Amandman XIV nije usvojen (ZA – 1 član, PROTIV – 3 člana, SUZDRŽAN – 2 člana).

Nakon izjašnjavanja o amandmanima, predsjedavajući Komisije je stavio na glasanje zakon u cjelini sa usvojenim amandmanima. Glasalo je ukupno 6 prisutnih članova Komisije, od čega ZA – 5 članova i PROTIV – 1 član.

Predsjedavajući Komisije je konstatirao da je Prijedlog zakona o izmjenama i dopunama Zakona o ombudsmenima za ljudska prava Bosne i Hercegovine zajedno sa prihvaćenim amandmanima usvojen i da ide u Predstavnički dom PS BiH, čime je i zaključio ovu tačku dnevnog reda.

Ad. – 3. Razmatranje predstavki građana upućenih Komisiji

Otvarajući ovu tačku dnevnog reda, **predsjedavajući Elmir Jahić**, je riječ dao sekretaru Komisije, predlažući da sekretar informira prisutne o aktuelnim građanskim predstavkama koje su u fazi rješavanja.

Sekretar Komisije je taksativno naveo aktuelne građanske predstavke:

- predstavka Momčila Krajišnika,
- predstavka vezana za posjetu Kazneno-popravnog zavodu u Zenici, gdje je izvijestio da Potkomisija nije podnijela izvještaj o obavljenoj posjeti i utvrđenom stanju,
- predstavka UGOR, gdje je obavljena posjeta Potkomisije ovom Udruženju i u fazi je izrade izvještaj o pomenutoj posjeti;

Marija Perkanović, član Komisije skrenula je pažnju na predstavku Momčila Krajišnika i predstavku vezanu za posjetu Kazneno popravnog zavoda u Zenici, te je zatražila izjašnjavanje Komisije o Izvještajima vezanim za ove dvije predstavke.

S obzirom da jedan izvještaj nije podnesen preko protokola, a drugi je neposredno predat na ovoj sjednici, do izjašnjavanja Komisije nije došlo, pa je Martin Raguž predložio je da se ove dvije predstavke uvrste kao posebne tačke dnevnog reda za narednu sjednicu i time okonča komisijski rad na ovim dvjema predstavkama.

Ovaj prijedlog su prihvatili članovi Komisije pa je Predsjedavajući Komisije zaključio ovu tačku dnevnog reda.

Ad. – 4. Tekuća pitanja

Otvarajući ovu tačku dnevnog reda predsjedavajući Komisije je riječ dao sekretaru koji je iznio dvije informacije:

- podsjetio je članove Komisije da im je dostavljen materijal od Ministarstva za ljudska prava i izbjeglice BiH u vezi zaključne primjedbe Komiteta za prava djeteta UN-a, te da se s tim materijalom upoznaју;

- druga obavijest bila je u vezi obilazaka kazneno-popravnih zavoda u BiH, gdje je napomenuo da Martin Raguž treba odrediti termine za obilaske u svojoj grupi kako bi se te posjete realizirale.

Kako više niko od prisutnih nije uzeo riječ u ovoj tački dnevnog reda, predsjedavajući Komisije ju je zaključio.

Završavajući ovu tačku dnevnog reda, Komisija je završila svoju 31. sjednicu. Sjednica je završena u 16,10 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Elmir Jahić